

قلق وشلق

قصة وسيناريو حوار حسام عامر

مشهد رقم ١

نهار/ خارجي

رصيف كورنيش إسكندرية

صوت موج البحر

نرى أمواج البحر تتدافع نحو الشاطئ
مكان التصوير يشبه كورنيش إسكندرية القديم

الحوار بلهجة إسكندرية ويستحسن وجود مصحح
لهجة لتعليم الممثلين كيفية نطق الكلمات خاصة
كلمة وله بكسر اللام بمعنى ولد

نرى باسل سعد المنصوري تلميذ بالصف الثاني
الثانوي عمره ستة عشر عاما ملابسه أنيقة
يرتدي بنطلون وقميص وبيده شنطة بلاستيك
زرقاء متوسطة الحجم وبيده الأخرى شنطة
سنسونايت موديل الثمانينات ويسير على
الكورنيش بجوار عبير تلميذة أولى ثانوي
ترتدي مريلة كحلي وتتدلى صفائرها على كتفها
عبير تمسك علبة صغيرة بها حلق به فصوص
لامعة

عبير تخرج فردة حلق وتنظر لها باعجاب

متشكرة يا باسل بس هانقولهم ايه في البيت لو
شافوه معايا

عبير

قوليلهم هتعملولي قلق على تحت حلق
خلاص هنقولهم واحدة صاحبتى اديتهوني
بتحبيني يا عبير

باسل

عبير

باسل

طبعا يا حبيبي وانت بتحبني بصحيح ولا بتتسلى بيا
بتسلى بيكي طبعا يا حياتي يا أحلى من بشلن لب
أبيض (يقهقه بإسلوبه المميز) هينع هينع
إبعد عني . إوعى سيبنى

عبير

باسل

عبير

عبير تغضب و تتوقف وتترك يد باسل وتضربه
بيديها على صدره عدة مرات بينما باسل
يضحك وهو يحاول أن يمسك بيديها لتهداً

باسل

باسل يمسك بيد عبير مرة أخرى وهما يسيران
وعبير تنظر للأرض
عبير تبعد عن باسل
باسل يضحك بصوت عالي

عبير

باسل

على فكرة مش هنهزرو معاكي تاني عشان مخك
صغير قوي

عبير

باسل

عبير

انت بتقول كلام ينرفز يا باسل
يعني بلاش أهزر معاكي
لا هزارك ده بيخنقني

باسل يقف مكانه وعبير تلتفت للخلف

عبير تعود نحو باسل ويسيران معا

خلاص مش هزعلك تاني يا قمر ... أيوة إضحكي
كده خلي الدنيا تنور من إبتسامتك اللي بتسحرني ..
بنحك يا هبله وبنموتو فيكي (يقهقه) هينع هينع

باسل يمسك يد عبير التي تنظر للأرض وهما
يسيران
عيون عبير تضحك

قطع

نهار / خارجي

مشهد رقم ٢

سيارة تاكسي اسكندرية بشارع الكورنيش

أغنية مابلش اللون دا معنا لعدوية

نرى أبو عبير رجل في الخمسين يرتدي ملابس
نظيفة أنيقة ويقود تاكسي الإسكندرية مازكة
بيجو ٥٠٤
شابة تجلس في الكرسي الخلفي
أبو عبير يلمح إبنته عبير تسير بجوار باسل
وتنظر للأرض
غضب في عيون أبو عبير
السيارة تتوقف

يا بت (بنت) الكلب أبو عبير

صوت فرامل التاكسي

معلش يا مازمازيل خدي تاكسي تاني
ليه كده يا أسطى أبو عبير
الزبونة

صوت زفير غاضب يصدر من أبو عبير

أبو عبير يلتفت نحو الزبونة
أبو عبير يفتح باب التاكسي وينزل منه وهو
يتجاهل الرد على الزبونة التي تفتح باب
التاكسي و تنزل

قطع

نهار / خارجي

مشهد رقم ٣

رصيف كورنيش إسكندرية

هتوصلني بعد المدرسة
لأ يا روعي آني (أنا) النهاردة هنفوتو على مهند
اخويا في الحضانة وبعد ما هنوصلوه للبيت هننزلو
سوق ليبيا عشان نبيع البضاعة اللي جبتها من
بورسعيد

أبو عبير يسير بحذر خلف باسل وعبير
باسل

خلاص أشوفك بكرة الصبح قبل المدرسة
وكمان بتديلو مواعيد يا بت الكلب
أبا حرمت يابا حرمت يابا والله
عمي إيه النور ده وأنا بقول الكورنيش منور ليه
عما الدبب يا قليل الأدب نهار أبوك إسود إن ما
كسرنا عضمك وربيناك يا جزمة ... وإنتي يا
مقصوفة الرقبة من النهاردة مش هتروحي مدارس
تاني لحد ما نسترك ونجوزك يا فاجرة
فاجرة إيه يا عمي إنت قافشها بقميص النوم في
شقة كلها شباب ولا إيه إحترم نفسك شوية إحنا
بنحبو بعض وهنتجوزها لما أكبر

أبو عبير يمسك ياقات ملابس باسل وعبير
أبو عبير يضرب إبنته بالشلوت
عبير ترتجف وتبكي
باسل يبتسم
أبو عبير ينظر بوحشية وغضب
أبو عبير يضرب باسل بالشلوت وباسل يتفادى
الشلوت

ملاح جادة على وجه باسل باسل

أبو عبير ينظر لباسل بدهشة ثم ينظر لعبير

أبو عبير
عبير
باسل
أبو عبير

مين اللمض ده يابت
ده باسل يا بابا ساكن في الشارع اللي ورانا
أنا باسل يا عمي
برضه بتقول عمي وديني لنكسرولك نافوخك يا
جزمة

هدى دمك بس يا عمي إمسك الشنطة
دي إمسك الكيس ده كمان
..... تمام
هات بقا الشنطة دي
وهات الكيس ده إجري
يا عبير .. (يقهقه بإسلوبه المميز) هيئع هيئع

أبو عبير يركل باسل الذي يتفادى الركلة

باسل يناول الشنطة لأبو عبير الذي يترك ياقة
إبنته ويمسك الشنطة ثم باسل يناول كيس
بلاستيك لأبو عبير الذي يترك ياقة باسل
ويمسك الكيس ثم باسل يأخذ الشنطة ثم يأخذ
الكيس وينظر لعبير
عبير تجري بشكل أشبه بالهرولة لأن المريضة
التي ترتديها طويلة جدا وضيقة من أسفل
باسل يجري ويعبر الشارع

سيارة فيات زرقاء تفرمل بشدة لحظة إرتطامها
بباسل
باسل يقفز على كبوت السيارة ويستمر بالعدو

السائق

صوت فرامل سيارة
ما تفوق يا وله على الصبح

ياللا قدامي على البيت ... مفيش مدرسة بعد
النهاردة يا مقصوفة الرقبة

أبو عبير

أبو عبير يقف مذهولاً ثم ينتبه ويجري ليمسك
بعبير التي لم تبتعد كثيراً ويضربها بيده بينما
يمسك شعرها باليد الأخرى

ملاح تآلم باسل الذي يقف على الرصيف
المقابل و يشاهد أبو عبير يضرب عبير بقسوة

صوت صراخ وبكاء عبير

أنا الغلطان مش هيا .. أنا اللي مشيت وراها حوالى
إسبوع من البيت للمدرسة ومن المدرسة للبيت
أقولها بنحك وبموتو في عينيكي .. عملتلها قلق
في دماغها لحد ما كلمتني يعني لو عايز تضرب
إضربني أنا ... بس لازم تعرف إن آني بنحبها بجد
يا عمي والله

باسل

باسل يعبر الشارع ويتجه نحو عبير وأبيها
ويمسك بيد أبو عبير

أبو عبير يتوقف عن ضرب عبير
باسل يترك يد أبو عبير
أبو عبير ينظر بذهول لباسل

إنت عايز إيه ياوله

أبو عبير

أبو عبير يتجهم وينظر ببلاهة لباسل

باسل يبتسم بموده

باسل

أبو عبير يفتح فمه من الدهشة

عايز نتجوز بنتك (يتكلم بسرعة) أنا اسمي
باسل سعد المنصوري ساكن في الشاطبي شارع
أرمنتال عندي ستاشر سنة طالب في مدرسة كامب
شيزار في سنة تانية ثانوي تجاري . أبويا ميت من
سنة ومامتني محاسبة بوزارة الثقافة ... ليا ثلاث
أخوات صبيان أصغر مني ... وأنا بنتاجر في بضائع
من بورسعيد وينكسبو كويس والحمد لله ...
وهنكلمو أمي النهاردة وهنكيها عن اللي حصل ده
وهنجيبها يوم الخميس الجاي عشان نخطبو بنتك
عبير ... قولت إيه يا عمي موافق
(بذهول) ممممه ممم ... طيب هنشوف رأي

أبو عبير

تزداد نظرات الدهشة والذهول على وجه أبو
عبير

الجماعة في البيت هيقولو إيه
(بفرحة) متشكر قوي يا عمي ... وسامحني على
كل اللي عملناه من وراك قصدي لما
وصلتها للمدرسة
(بذهول) يالا يا بنتي أوصلك المدرسة

باسل

أبو عبير يغضب
أبو عبير يهدأ مرة أخرى

أبو عبير

عبير وأبيها يستديران للخلف ويتجهان نحو
التاكسي

باسل يعبر الشارع وينظر نحو عبير وأبيها
الذان يركبان التاكسي الخاص بأبيها

نفس السيارة الملاكي تفرمل بشده قبل أن
تخط باسل لكن هذه المرة في الإتجاه المعاكس
نفس سائق الملاكي يخرج رأسه من الشباك
ويكلم باسل الذي ينزلق على كبوت السيارة
دون أن يصاب بأذى

باسل يضحك ويقبل يده ويرسل القبله نحو عبير
في الهواء

قطع

أغنية ياولاد بلدنا يوم الخميس في السيارة الملاكي

إنت تاني .. مش قلنتك فتح يا وله

السائق

نهار / خارجي

مشهد رقم ٤

سور و بوابة مدرسة كامب شيزار الثانوية التجارية

صوت وضوء التلاميذ

نرى بوابة حديدية ضخمة مغلقة وفوقها يافطة
مكتوب عليها

مدرسة كامب شيزار الثانوية التجارية للبنين

نرى تلاميذ ثانوي يلعبون كرة قدم بدومة
صغيرة أمام باب المدرسة

صياح تلاميذ يلعبون الكرة

نرى رفعت الشهير برفعت شلق وتنطق شلاً
وهو تلميذ راسب بالصف الثالث الثانوي عمره
حوالي عشرون عاماً ومعه أشرف حماسا
وسامي الخواجا تلميذان راسبان في نفس عمر
رفعت شلق والثلاثة يحيطون بالتلميذ مسعود
الذي يرتدي ملابس نظيفة وأنيقة وعمره
خمسة عشر سنة ضئيل الحجم
نرى مسعود يرتجف وهو يقف بينهم بعيدا عن
باب المدرسة

الخواجا

أشرف حماسا يمسك بشنطته السنسونايت ويد
سامي الخواجا تخرج كيس به أربعة
ساندوتشات صغيرة
شلق يأخذ ساندوتشين
الخواجا يأخذ ساندويتش وحماسا يأخذ

إيه ده جبنة رومي ... قشطة ومربة مفيش
ساندوتشات فول والا إيه

مسعود

شلق

(بخوف) لأ
بعد كده تخليهم في البيت يعملوك ساندوتشات فول
مفهوم يا وله

رفعت شلق و الخواجا وحماسا يقفان مع باسل وخمسة تلاميذ صغار السن بأولى وثانية ثانوي رفعت ينظر للشنطة البلاستيك ويرى قاروصة سجاير	شلق الخواجا باسل	إيه النظام يا معلم باسل جبت معاك سجاير مستوردة يا باسل لو عايزين تشتروا قابلوني بعد ما نخلص المدرسة
شلق يمस्क بكتف باسل و عيونه بها إجرام التلاميذ الخمسة يتفرقون عن باسل عيون باسل تنظر للثلاثة بإستخفاف وبيتسم وهو يتكلم ببطء شديد الخواجة يمस्क بالكيس الذي بيد باسل باسل يغرس أظافر يده ببط في ظهر يد الخواجة الخواجة يتألم شلق ينظر ليد الخواجة ووجهه بينما حماسا يقف متفرجا شلق يخرج مطواة من جيبه ويمسكها وهي مغلقة ويقرب يده التي تمسك المطواة من وجه باسل	شلق باسل شلق الخواجا باسل	هات القاروصة دي يا وله القاروصة بتلاتين جنية بس لما أمسح الغياب الأول بعدين هبقا أبيع اللي يفضل معايا بعد المدرسة أنا ما بشترش سجاير أصلها مضره بالصحة هات يا وله القاروصة دي سيب الكيس يا وله عايزين تترقدوا تاني ولا إيه
وجه باسل يضحك بثقة	باسل	لأ المرة دي عايزين نتحبسوا فيك يا وله مش مكفيك إنك تفصل مني إثنين وكمان معاك ضرفتني و افقين معاك ببساعدوك كل ده مش مكفيك
	باسل	عشان تخوفني تقوم تطلع لي مطواة دا أنتا جبان بشكل .. بقا حنت عيل زيي يتعبك قوي كده لا بجد زعلان منك قوي يا شلق منظر ك بقا هزوء قوي يا شلق صعبت عليا قوي يا شلق عايز تعور زميلك في المدرسة يا شلق إخص عليك يا شلق أنا لازم أعملك قلق وألبسك حلق يا شلق
حماسا شلق	ما قتلتم بلاش دا عيل رخم اتكتم إنت يا حماسا .. بص يا وله يا باسل هناخدو القاروصة يعني هناخدوها بالزوق أو بالعافية هناخدوها	
باسل	يبقا بالزوق أحسن .. عندي فكرة حلوة .. أنا بقرأ الكف باتنين جني (جنية) هات إثنين جني (جنية) أقرالك كفك بيهم وهندوك (هنديك) هدية بعد ما أقرالك الكف والهدية هي قاروصة سجاير مستوردة كل يوم جمعة وباقي الأسبوع الهدية باكو لبان .. كده تبقا خدتها بالزوق صح يا شلق	
شلق الخواجا حماسا باسل شلق	مفيش معايا غير جني (جنية) خد يا شلق نص جني (جنية) أهو خد يا شلق جني (جنية) أهو هاتو إنت هتستعبط دول اتنين جني (جنية) ونص وانت قلت القاروصة باتنين جني (جنية)	
باسل	أنا قلت بقرأ الكف باتنين جني (جنية) وده خف جمل عشان كده هاخذ منك اتنين جني (جنية)	

ونص قلت إيه	شلق
إنهي يالا خلينا ناخذ القاروصة	باسل
هات إيدك	شلق
قصر يا وله البوابة قربت تفتح	باسل
شوف يا شلق هسنتك شوية أسئلة جاوبني عليها	شلق
عشان أقولك على بختك في الدنيا	باسل
اللهم طولك ياروح إسأل	شلق
إسمك إيه	باسل
رفعت شلق	شلق
سنتك كام سنة يا رفعت	باسل
عشرين سنة	شلق
عند أملاك يا شلق أراضى ولا عمارات ولا أي حاجة	باسل
زي دي	شلق
لا	شلق

باسل	ما فيش حد من قرايبك مات وساب لك ميراث أملاك
	ولا عمارات ولا أراضي
شلق	لا
باسل	غريبة يعني طول عمرك ما خدتش من أي حد أملاك
	ولا أراضي
شلق	لا
تلميذ	البوابة اتفتحت

أصوات تدافع وصيحات التلاميذ أثناء الدخول

متأكد إنك ما خدتش أي حاجة خالص	باسل
قلتلك ما خدتش	شلق
طب خد يا شلق	باسل
فين قاروصة السجاير الهدية	شلق
قاروصة السجاير بتبقا يوم الجمعة بس وباقي	باسل
الأسبوع لبنان . على فكرة ده لبنان دكر . دكر جداً	
(يقهقه بإسلوبه المميز) هيئع هيئع	
هات الفلوس يا وله أهو ده اللي ناقص يتنصب علينا	شلق
على آخر الزمن	
انت بتستعبط ولا إيه مش قرئت لك الكف و انت	باسل
وافقت على كده وخذت الهدية صح يا شلق	
هات الإثنين جني ونص أحسنلك يا باسل	شلق
الواد ده لازم يتعور	الخواجا
الراجل فيكو يوريني نفسه يا نطع إنت وهو وهو	باسل
بقولك هات الفلوس يا باسل بدل ما نخسر بعض	شلق
هوا احنا اصحاب يا غبي عشان نخسر بعض ..	باسل
انسى يا شلق وخذ الحلق هيئع هيئع	

باسل يضع يده في جيب البنطلون ويخرج باكو
لبان ويضعه بأصبعه الأوسط في كف شلق
شلق ينظر لباكو اللبان وأصبع باسل في كفه
غضب على وجه شلق
باسل يبتعد ويسير مع التلاميذ نحو بوابة
المدرسة وشلق والخواجة وحماسا يلحقان به
باسل وشلق والخواجة وحماسا يسيران وسط
حشود التلاميذ

غرفة الإدارة المالية

نرى لافتة نحاسية خارج الغرفة مكتوب عليها
الإدارة المالية

داخل الغرفة نرى سبعة مكاتب يجلس عليها
موظفين وموظفات

نرى مدام لواظ تجلس خلف مكتب والمكتب
المجاور لها تجلس عليه امرأة في الثلاثين

كل الموظفين والموظفات يضحكون بصوت
عالي

أصوات ضحكاتهم تتعالى أكثر
إمرأة سخسخت من كثر الضحك

إمرأة أكبر قليلا من مدام لواظ تجلس خلف
مكتب وتشاور بيدها

موظفة ١

موظفة ٢

موظف

لواظ

موظفة ٣

لواظ

أنصاف

موظفة ١

موظفة جميلة في الثلاثين تتكلم بشكل حالم

الحاجة أنصاف امرأة في الستين تجلس خلف
مكتب بآخر الغرفة على المكتب يافطة مكتوب
عليها

أنصاف عبد الرحمن مديرة الشؤون المالية

قطع

واللي زاد وغطا من كام يوم كنت واخداه ورايحين
نشترى التموين قام واحد بتاع دوكو بيشتغل في
عربية قدام ورشة عاكسني يقوم المنيل شاتمه قام
الراجل رد عليه الشتيمة كان فيه عمارة بتتبني
وجنبها كوم زلط وكوم رمل ببص لقيتك باسل جرى
على كوم الزلط وهات يا حذف في الراجل والصناعية
اللي بيشتغلوا في الورشة وعمل بوليكاها مالهاش أي
لازمة و العربية اللي كانو بيدهنوها قزازها اتكسر ..
ولولا ربنا ستر صاحب الورشة خرج و إستخبا ورا
عربية و قعد يهدي فيه من بعيد .. حقك علينا يا
كابتن ماعلهش يا استاذ ده راجل قليل الأدب
وهنطرده عشان خاطرك

إحمدي ربنا إن إبنك طالع من صغره دمه حامي
ياختي دانا إبنك الكبير عنده إثنين وعشرين سنة
عمره ما جاب لنفسه منديل وانتي بسم الله ماشاء
الله إبنك راجل وبيصرف على نفسه وعلى إخوانه
يعني متحمل المسؤولية بجد مش واخداها منظره

الحقيقة يا مدام لواظ ياريت يكون ولادي زي إبنك
باسل

بلا نبيلة لو عاوزينه تعالو خدوه .. يعني يا ربي
أعيش نص عمري أبوه يحكم ويؤمر ولما يموت
أبوه يقوم إبنه يستلم الراية منه ويحكم ويؤمر فيا
هو أنا إيه مكتوب عليا أعيش طول عمري جارية
من بيت أبويا لبيت جوزي وأخرتها تحكم فيا اللي
ينقرص في نن عينه باسل إبن قلبي

حرام عليكي دا باسل عسول خالص
عسلو إسود ومنيل وكلو كوم وحكاية البطاقة اللي
طلعها الشهر اللي فات كوم تاني البيه بيقولي الدولة
بتعترف ان أنا راجل هو إنتي أحسن من الدولة
والنبي أرد عليه أقول له إيه ده

قولي له أنا عارفه إنك راجل كبريه تكبري بيه
يا مدام لواظ

صدقت يا حاجة أنصاف كبريه تكبري بيه والنبي
كلمة تنفع حكمة .. و دا اللي ماليش كبير يشتريله
كبير وانتي محتاجة إبنك يقف جنبك ويساعدك على
تربية أخواته وأهو كده هتربي ثلاثة بدل ما تربي
أربعة

ممر بالمدرسة

نرى باسل يخرج من غرفة عليها يافطة مكتوب عليها

شئون الطلاب

أغنية بتصالحني حبة لعزيزة جلال بغرفة الموسيقى

باسل يمشي داخل الممر ويمر بغرفة بابها مفتوح وتجلس بها خمس نساء على باب الغرفة يافطة مكتوب عليها

غرفة الموسيقى

باسل ينظر داخل الغرفة ويتجاوزها مسرعاً
صوت أستاذة صفاء تنادي باسل من داخل الغرفة

صوت وله يا باسل
باسل أيوة يا أبلة صفاء
صوت تعالى عايزاك

باسل يعود ويدخل الغرفة

قطع

.....
نهار/ داخلي

مشهد رقم ٩

غرفة الموسيقى

ملحوظة : الأسعار رخيصة جداً لأن هذه المشاهد منذ عشرون عام وسنعرف هذا بعد عدة مشاهد

نرى آلات موسيقية متناثرة في أنحاء الغرفة حوالي عشر كراسي تتناثر في أنحاء الغرفة ثلاثة نساء يجلسن على كراسي حول جهاز تسجيل موديل الثمانينات باسل يقف بجوار الأستاذة صفاء مدرسة الأحياء

صفاء إديتك صفر في الأحياء عشان تحرم تغيب في إمتحانات نص السنة
باسل ليه كده بس يا أبلة صفاء مانت عارفاني أستاذ في الأحياء تحبي أسمعلك الجهاز التناسلي عند الثدييات
صفاء إتلم يا سافل
فيوليت إنت فين من زمان يا باسل بقالي اسبوعين ماشفتكش في حصة الموسيقى إنت كده هتترفد بسبب الغياب
باسل لأ ما أنا خلاص شلت الغياب يا أبلة فيوليت

صفاء جبت إيه معاك من بورسعيد يا باسل
باسل بسرعة يا أبلوات عشان عايز أروح أشوف المدير عايزني ليه

إيمان بكام ده
باسل تسعة جنية بس عشانك يا أبلة إيمان
صفاء غالي يا باسل خليه بسبعة جنية زي القميص اللي

باسل يخرج قمصان نوم حريمي من الكيس البلاستيك
المدرسات تتناولن القمصان التي يخرجها باسل من الكيس
أستاذة إيمان تعين مقاس قميص أسود

خدته منك الشهر اللي فات وهاخذ واحد أنا كمان الموديل ده غالي والله يا أبله صفاء ده التجار بيبيعوه بخمستاشر جنية في سوق لبيبا على إيه يعني كل ده طب دا حتى ألواناته مش حلوة	باسل إيمان	إيمان تمصمص شفايفها
الموديل ده الناس بتقول إنه بيمنع الطلاق وبيخلي الرجالة ترجع تتكلم مع ستاتها جوة البيوت ينيلك يا باسل والنبي ديتها إسبوع ولا إثنين وبعدين هيزهقو من القميص ويرجعوا ينخرسوا من تاني	باسل صفاء	
إصبروا شوية أنا سمعت إنهم هيخترعو قمصان نوم من غير أي خيوط يعني شفاقة .. نظام كله على عينك يا تاجر هيئع هيئع إتلم يا سافل	باسل صفاء	
زوقه جميل خد يا باسل هات جنية إتفضلني يا أبله فيوليت خد ولو إني مش مقتنعة بيه هاخذ القميص ده بس هدفعك بعد بكرة لما نقبض	فيوليت باسل إيمان صفاء	أستاذة فيوليت تعطي ورقة بعشرة جنية لباسل باسل يخرج جنية من جيبه ويعطيه لفيوليت إيمان تناول باسل تسعة جنيها باسل يضع النقود في جيبه
ماشي يا أبله صفاء .. على فكرة عندي كمان موديل خلي الضمير صاحي ده مفيد جدا لحالات الزواج القديم ومكتوب في الكتالوج بتاعه أهو بس بالتايواني	باسل	باسل يخرج من الكيس قميص نوم أحمر حجمه صغير جداً جداً ويعرضه أمام المدرسات
ده أصغر من المنديل بتاعي يا منيل على عينك والنبي أنا أتكسف ألبسه قدام المراية دا ما يغطي حاجة خالص يا وله ومين قال بس يا أبله صفاء انه لازم يغطي	صفاء باسل	الثلاثة نساء يضحكن بصوت عالي صفاء تفحص القميص الصغير وتضحك
أصله معمول مخصوص عشان يصحي ضمير الرجالة اللي ضمايرهم ماتت . هيئع هيئع ما قلت لك إتلم يا سافل	صفاء	صفاء تضرب باسل بخرزانة صغيرة

قطع

نهار/ خارجي

مشهد رقم ١٠

فناء المدرسة

أصوات ضجيج التلاميذ

باسل جنب مبنى فصول تانية ثانوي هناك أهو	الخواجا
أهلا بالقلق يا عصابة شلق عايزين فلوسنا يا وله بالزوق شوف يا شلق هديك نصيحة تساوى خمسة جني	باسل شلق باسل

تلاميذ يقفون في مجموعات بحوش المدرسة
باسل يمشي نحو مدخل مبنى الفصول
شلق والخواجا وحماسا يشاهدان باسل
ويهرولان نحوه
باسل يقف بجوار باب المبنى
شلق والخواجا وحماسا يقفان مع باسل
شلق يضع يده على كتف باسل
باسل يزيج يد شلق ويضع يده على كتف شلق

مش عايز منك نصايح هات يا ولة الإنتين جني ونص بتوعنا أحسن لك	شلق	ويده الثانية على كتف الخواجا
هتفضل غبي طول عمرك يابني إتعود تسمع الكلام لآخره لآخره . هينع هينع .. صدقني ممكن تبقا مجرم كويس قوى بس لو بدأت تشغل مخك يارب صبرني ... يابني هعملها معاك هنا يا بني انت مش هتقدر تعمل معايا أي حاجة لا هنا ولا بره عشان انت جبان وغبي تعرف يا شلق نهايتك هتكون مضحكة قوي عشان إنت	باسل	شلق والخواجة يزيحان يد باسل من على أكتافهم باسل يبتسم
باسل احنا فعلا عايزين فلوسنا عشان جعانيين وعايزين نشترروا ساندويتشات هتستعبط يا حماصا انتو طول عمركو بتقلبوا العيال في الساندويتشات وعایشين سفاهة وإستقطاع على خلق الله وأنا ما شفنتش حد فيكم بيشترى ساندويتشات من ساعة ما حولتوا مساركم من الثانوي ودخلتوا المدرسة دي .. بالحق إنتوا سقطتوا كام سنة في الثانوية العامة	شلق باسل	عيون شلق تمتلأ بالغضب باسل يتكلم ببط وإبتسامة خفيفة على وجهه
باسل احنا فعلا عايزين فلوسنا عشان جعانيين وعايزين نشترروا ساندويتشات هتستعبط يا حماصا انتو طول عمركو بتقلبوا العيال في الساندويتشات وعایشين سفاهة وإستقطاع على خلق الله وأنا ما شفنتش حد فيكم بيشترى ساندويتشات من ساعة ما حولتوا مساركم من الثانوي ودخلتوا المدرسة دي .. بالحق إنتوا سقطتوا كام سنة في الثانوية العامة	حماسا باسل	حماسا يقترب من شلق ويتكلم بمسكنة جدية على وجه باسل
بلاش تتوهنا بالكلام .. إنت الكبير يا باسل وإحنا عايزين فلوسنا طيب هاتو باكو اللبان وبعدين نتفاهم كلناه شوفو أنا لحد دلوقتي طالبا معايا آكل عليكو الفلوس بس فيه حل لو رضيتو بيه هديكو فلوسكم راضيين مقدماً هات فلوسنا يا وله قلتك اتعود تسمع الكلام لآخره لآخره .. إتعلم الصبر شوية هتفضل كده متهور طول عمرك قصر يا باسل أنا خلاص شكلي هعملك مية وحداشر في وشك صلاة النبي صلاة النبي وأنا أقول مستشفيات إسكندرية زحمة ليه بص يا مزارب لو عايز تضربني وخايف تعملها في المدرسة تعال ننط من على السور ووريني هتضربني إزاي وأنا أبقي مرة لو ما خليتك تكره الدنيا اللي جيت ترازى وتضايق الناس فيها	الخواجا باسل الخواجا باسل شلق باسل شلق باسل	شلق يمد يده نحو باسل
خلاص يا عم باسل ممكن تدينا فلوسنا وكل واحد يروح لحاله مين يا وله إنت وهو اللي نبر على الشر أنا ولا إنتو معلش حقك علينا يا باسل	شلق باسل حماسا	
لازم أربيكو ومش بالضرب انتو أكبر مني ومش هقدر عليكو وحتى لو أقدر أضربكو مش هعملها عشان إنتو جبانات وجتتكم نحست أنا هربيكو	باسل	

بطريقة القلق لحد ما كل واحد فيكو يتخفق ويلبس الحلق هيئع هيئع يا عم خلاص قلنالك حقك علينا وانت ابن حلال ومجدع يا عم باسل إدينا فلوسنا الله يخليك	شلق	
هيا العملية مزقة معاكو قوي كده أيوه ياريت بقا تخلصنا من مواعظك دي والنبي	باسل الخواجا	
ماشى هديكو فلوسكو بس بشرط أدفع لكم دلوقتي خمسة وأربعين قرش طبعا خصمت شلن ثمن باكو اللبان والإثنين جنية تاخدوهم لما مزاجي يروق شوية	باسل	
إيه يا ولة شغل البلطجة ده .. هتجيب فلوسنا دلوقتي ولا أمزح لك وشك بالمطوة	شلق	شلق يخرج مطواة ويفتحها وعيونه تمتلى بالشر
وريني ياشلق هتمزح وشي إزاي والنبي ياريت بشلتين في مناخيري وواحدة في خدي وواحدة في شفتي إصبر يا شلق هاوده عشان يدينا فلوسنا	باسل الخواجا	باسل يبتسم بإستهزاء ويشير لأنفه وخده وفمه
ماشى يا باسل هات الخمسة وأربعين قرش خدوا آدي الخمسة وأربعين قرش يبقالكو في زمتي إثنين جنية يالا يا عم إنت وهوا خليكو فاكرين الجمال دي	شلق باسل	باسل يخرج نقود كثيرة ويعيدها لجيبه ويخرج نقود من جيبه الثاني ويعطي بعضها لشلق ويضع الباقي بجيبه مرة أخرى وينصرف
خد يا حماسا بريزة خد يا خواجة بريزة ونبقا نتحاسب بعدين	شلق	شلق يعطي حماسا عملة معدنية فئة عشرة قروش ومثلها للخواجا ويضع ربع جنية ورق بجيبه ملامح الغيظ على وجوه شلة شلق
		قطع

نهار/ خارجي

مشهد رقم ١١

شارع وأمام باب حضانة

نرى لافتة سوداء فوق باب مكتوب عليها

حضانة الأمل للأطفال

نرى امرأة سمينية ترتدي طرحة تقف على باب
الحضانة تمنع بعض الأطفال من الخروج

لو سمحتي عايز مهند سعد المنصوري

باسل

نرى باسل يذهب نحو المرأة ويكلمها
المرأة تنظر للأطفال

يا مهند تعالى يا حبيبي عشان تروح

المرأة

نرى مهند طفل في الخامسة يرتدي مريلة لونها
وردي يضحك وهو يخرج من تحت ذراع المرأة

ويذهب ليمسك بيد باسل	مهند	هيه هيه باسل باسل باسل باسل .. جبتي شوكلاته
باسل يبتعد مع مهند عن باب الحضانة	باسل	أيوة ... خد أهي
باسل يخرج من جيبه قطعة شوكلاتة كبيرة	مهند	شكلم يا بابا
مهند يخطف قطعة الشوكلاتة ويفتحها	باسل	ههه .. يا وله أنا أخوك
مهند يأكل الشوكلاتة بينما باسل يحمل شنطة		
مهند بالإضافة لشنطته السونسونايت والكيس		
البلاستيك الذي به البضاعة ويسيران في الشارع		
قطع		

نهار/ داخلي

مشهد رقم ١٢

محل ملابس حريمي

نرى باسل داخل محل ملابس حريمي يخرج	باسل	دستة وتسع تحت لينوه ودستة دونيما ودستتين
ملابس حريمي من الكيس ويضعها على	أم نوال	خلي الضمير صاحي
الفاترينة أمام أم نوال وهي امرأة في الستين		أما البورسعيدية دول عليهم إختراعات في الأسامي
ترتدي جلباب أسود أنيق		بس غالية قوي يا باسل متنفعش بمية زي اللينوه
أم نوال تقوم بفحص الملابس بدقة شديدة		
نرى مهند يأكل آيس كريم ويجلس على	باسل	لا والله إنت عارفاني بحب الدوغري يا أم نوال
الفاترينة بعيدا قليلا عن الملابس التي يخرجها	أم نوال	عموما هما دستتين بس لو ما مشيوش هرجعهمك
باسل من الكيس	باسل	ما مشيوش دا إيه دول هيتخطفوا منك وبكرة أفكر
أم نوال تذهب لمكتب صغير وتكتب في كراسة	أم نوال	طيب إحسب معايا دستتين إلا ربع في مية بمية
أمامها		خمسة وسبعين ودستة بسبعين يبقا ميتين خمسة و
أم نوال تخرج نقود من الدرج تعطيها لباسل		أربعين ودستتين في مية وعشرين بميتين وأربعين
باسل يضع النقود بجيبه	باسل	يبقا ربعمية خمسة وتمانين
	أم نوال	إحتمال أسافر بعد بكرة عايزا حاجة معينة
		إبقا هات معاك خمس دست عبايات موهير .. بس
		هات الثقيلة .. أصل عيد الأم كمان إسبوعين
		والطلب بيكثر على العبايات الموهير
باسل ينزل مهند على الأرض	باسل	طيب مع السلامة يالا يا مهند أوباح
مهند يمسك بيد باسل		
أم نوال تلوح لمهند بيديها مودعة	أم نوال	باي باي يا مهند
مهند يشاور لأم نوال ويخرج من باب المحل	مهند	باباي
وهو يمسك بيد باسل	باسل	يالا نروح نتغدا أنا ميت من الجوع وإنت مقضيها
		شوكلاتة وأيس كريم يا بختك يا عم مهند

صالة منزل لواحق

نرى صالة شقة أثاثها مماثل لآثاث الطبقة المتوسطة في أواخر الثمانينات	باسل	معقولة ياماما هي القطة دي مستقصداكي من ساعة ما أبويا مات ولا إيه
نرى منضدة سفرة مستطيلة حولها خمسة كراسي	لوا حظ	كل وإنت ساكت مش عايزة وجع دماغ
الأم لوا حظ تجلس على رأس المنضدة ويجلس على حجرها هشام طفل عمرة ثلاث سنوات	باسل	وله يا عمر مالك بتنونو كده ماتكونش أنت القطة اللي خطفت كبدة البطة
وعلى يسارها يجلس <u>عمر</u> الإبن الأوسط عمره إثنا عشر عام تلميذ بالصف الأول إعدادي	عمر	هيبه ظريف قوي .. وإنت مالك يا ظريف
وعلى يمين مدام لوا حظ يجلس مهند وبعده يجلس باسل	لوا حظ	إتلم يا باسل
أواني طعام عديدة تتوسط السفرة وبطة محمرة في طبق كبير بمنتصف المنضدة	باسل	عينيك بقا لونها بني من أكل الكبدة يا وله ... ماما القطة دي بتخطف الكبدة وهي ناية ولا بعد ما تستوي
الأولاد يشربون الشورية	لوا حظ	ما تتلم يا وله وخلينا نعرفوا نتغدو
لوا حظ تقطع البطة بمقص سفرة كبير	مهند	أحصح سخنة أوي السورية
لوا حظ تعطي عمر صدر البطة	باسل	الله الشورية جميلة يا ماما تسلم إيديكي
لوا حظ تضع قطعة من الصدر بطبق مهند	لوا حظ	طيب وإنت يا عمر الشورية عاجبتك
لوا حظ تناول ورك لباسل	عمر	آه
لوا حظ وأولادها يتناولون الطعام	لوا حظ	بالهنا والشفيا يا حبيبي
	باسل	هو كلو وراك وراك نفسي مرة تديني صدر ... ماما في بنت بنحبها وعاييز نخطبها وعاييزك تيجي معايا يوم الخميس الجاي عشان نخ...
	لوا حظ	إيه إيه إيه إيه إيه سمعني بتقول ايه تعالى شوف ولادك يا سعد يامنصوري ... مش لما تخلص تعليمك الأول
	باسل	يا ماما دي خطوبة بس عشان نبقا حجزتها
	لوا حظ	حجزت ايه يا وله إنت هتتجوز تلاجة.. حقه بطلو ده واسمعو ده .. عيل في تانية ثانوي لسه ماطلعش من البيضة وعاييز يتجوز
	باسل	يا ماما أنا مش عيل وبعدين دي خطوبة مش جواز
	لوا حظ	مش لما تبقا راجل وعندك بيت تبقا تخطب ولا إنت ناوي تجيب العروسة وتقعدها هنا عندي في بيتي
	باسل	ياماما مش هقعدها هنا ولا حاجة دي خطوبة بس وأنا معايا حق الدبل وهنجيبو دستتين جاتوة ونروحو لأبوها نطلبو إيدها
	لوا حظ	بس يا وله إنت ها تعملي فيها راجل
	باسل	يا ماما أنا ماشي في السبعاتشر سنة واللي في سني زمان كانوا بيقودوا جيوش ويعملو إمبراطوريات
		الأسكندر غزا العالم وهو في سني وبنى مدن في كل الدنيا
	لوا حظ	طيب يا حبيبي ما دمت أنت راجل زي ما بتقول روح لهم لوحذك وأخطبها أنا ماتحملش مسئوليتك قدام الناس يا ذو القرنين .. قال اسكندر قال

مشهد رقم ١٤

نهار/ داخلي

غرفة الأولاد وصالة منزل لواحظ

أغنية بيلي جين لمايكل جاكسون

نرى غرفة نوم بها ثلاث أسرة ودولاب كبير
ومرأة كبيرة
نرى باسل يقف أمام المرأة يجفف شعر رأسه
بفوطه وهو يرتدي شورت أزرق وفانلة بيضاء
بحملات
صورة كبيرة لمايكل جاكسون أعلى المرأة
باسل يمشط شعره
باسل يفتح الضرفتان بوسط الدولاب ويخرج
قميص وبنطلون يرتديهم
باسل يغلق الدولاب
باسل يخرج حافظة نقود محشورة بين الدولاب
والحائط ويفتحها وينظر لبطاقته ويعد النقود ثم
يضعها في جيب بنطلونه الخلفي
باسل يخرج ميدالية من جيبه ويفتح بمفتاح
ضرفة دولاب جانبية
باسل يبحث داخل الدولاب
وجه باسل يتوتر
أم باسل تدخل الغرفة منزعة

باسل
لواحظ
باسل
لواحظ
باسل

ماما يا ماما ... يا ماما ... يا ماما
فيه إيه يا وله بتزعق كده ليه .. في إيه
قزازه البرفان بتاعتي اتأخدت من ضرفة دولابي
وأنا مالي ما تدور عليها كويس
يا ماما مفيش غيري أنا وعمر ومهند وهشام وإنتي
في البيت وطبعا مهند مستحيل يعمل كده ولا يعرف
يفتح الدولاب من أساسه وحضرتك مش ممكن
تاخدي حاجة من دولابي مفيش غير عمر اللي
غاوي يسرق حاجتي ويخزنها في دولابه مع إني
إديتلو إزازه زي بتاعتي وعائنها مبيستخدمهاش
عمر ما يعملش كده عمر ابني مش حرامي
طيب إندهيله خليه يفتح الدولاب بتاعه
يا عمر يا عمر تعالى يا عمر
أيوه يا ماما
انت خدت قزازه برفان من دولاب أخوك
لا يا ماما
طيب إفتح ضرفة دولابك
مش فاتح
معلش يا عمر يا حبيبي هات المفتاح
المفتاح ضاع مني

لواحظ
باسل
لواحظ
عمر
لواحظ
عمر
باسل
عمر
لواحظ
عمر

يدخل عمر ووجهه مرتبك ومتوتر

باسل يمسك بيد عمر ويكتفه ويخرج مفتاح من
جيب البيجاما

باسل
عمر
باسل

المفتاح في جيبك أهوه
إوعي سيبني
ومركب قفل ومبوظ الدولاب عشان مغارة على بابا

باسل يفتح قفل رزة على ضرفة الدولاب

اللي إنت بتحوش فيها الحاجات اللي بتسرقها مننا

باسل يخرج زجاجة برفان وعلبة أخرى بها
زجاجة برفان من نفس النوع

عمر
باسل

هات المفتاح إحقيني يا ماما هاتيلي المفتاح
أهو يا ماما اتفرجي أدبي قزازتي المسروقة وقزازته
لسه في علبتها محوشها يعني أنا بجيبه زي ما
بجيب لنفسي وبرضة ما بيتمرش فيه وكان بيفتح
ضرفتي من ورايا وبيستعمل قزازة البرفان بتاعتي
وفي الآخر سرقها كلها وشالها في ضرفته .. الله الله
مش دي ساعتك اللي كانت ضايعة منك يا ماما
إتفرجي على آخرة دلحك فيه

عمر يخرج من الغرفة بسرعة

لواظ

إتنيل خذ قزازتك وخلصنا ... ساعتى أنا لقيتها
وإديتها لـ ... مش حتت عيل هو اللي هيعلمني على
آخر الزمن البيت ده بيتي واللي يعيش فيه يحترمني

عمر يدخل الغرفة ويده سكينه مطبخ ويحاول
طعن باسل

عمر
باسل

لازم أموتك وديني لهخلي اصحابي يضربوك
سيب يا عمر السكينة دي عشان ما تتعورش .. آه
... كنفي طيب أنا هربيك
سيبني سيبني

باسل يحاول إمساك عمر الذي يطعن السكين
في كتف باسل
باسل يمسك يد عمر ويأخذ السكين ويعطيها
لأمه

عمر

إمسكي السكينة يا ست ماما .. أنا هربيك يا غبي في
حد يضرب أخوه بالسكينة

باسل

باسل يمسك بكتف عمر ويضربه بالقلم على
وجهه

لواظ

سيب إبنىسيب عمر ماتضربوش اللي
ما يسمعش كلامي ويحترمني يطلع من بيتي
... يالا يا صايع إطلع بره ... زهقتنا من صياعتك
وقلة أدبك يالا إطلع من بيتي.....
..... مش عايزاك تعيش معايا ولا مع ولادي
..... إطلع بره مش عايزة أشوف وشك
تاني..

لواظ تضرب باسل على ظهره وتجذب يديه
لواظ تنهار أعصابها وتدفع باسل بيديها بعنف
فيرتطم بالحائط وتستمر بدفعه للخروج من
الغرفة وتسقط زجاجة البرفان على الأرض
وتتكسر

باسل خرج من الغرفة ولواظ تتابع دفعه في
الصالة فيرتطم باسل بالكراسي وينظر لأمه
وهو مذهول وتستمر لواظ بدفع باسل حتى
باب الشقة

لواظ تفتح باب الشقة وتدفع باسل خارجها
وتغلق الباب في وجه باسل المذهول

قطع

نهاروليل/ خارجي

مشهد رقم ١٥

شاطئ البحر

بدون حوار
موسيقى تصويرية حزينة

نرى أمواج البحر تتلاطم على الرمال

نرى باسل يسير على رمال الشاطئ

نرى عيون باسل حزينة

نرى باسل يجلس على حجر ضخم بالقرب من

البحر

باسل ينظر للبحر
رياح تعبث بكرتونة فارغة ملقاة بالقرب من
البحر

نرى الوقت يتغير والليل يسقط ظلامه على
الشاطي

نرى القمر كاملا في السماء

لا زالت الرياح تعبث بالكرتونة الفارغة الملقاة
بالقرب من البحر ثم تسحبها المياة إلى البحر

نرى باسل يقوم من على الحجر ويبتعد عن
البحر

قطع

ليل / خارجي

مشهد رقم ١٦

شارع أمام البوستة بمحطة مصر بالإسكندرية

نرى مبنى البوستة الملحق بمحطة القطارات
بمدينة الإسكندرية (من بعيد) بورسعيد نفر يا بورسعيد صوت

باسل يمشي أمام البوستة
نرى عمارات الشارع العتيقة

نرى سيارة بيجو سبعة راكب حمراء تقف أسفل
عمارة وبها ستة ركاب

رجل يقف بجوار السيارة البيجو هو السائق
واحد بورسعيد ... بورسعيد يا أفندي السائق
أيوه باسل
يالاهنطلعو دلوقتي عشان العربية كملت خلاص السائق

باسل يركب السيارة البيجو
السائق يركب السيارة ويدير المحرك
السيارة تتحرك

موال هات الأصيلة للمطرب عبدة الإسكندراني

قطع

ليل / خارجي

مشهد رقم ١٧

سيارة بيجو بالطريق

موال هات الأصيلة للمطرب عبدة الإسكندراني

يخفت صوت المطرب تدريجياً ليتمزج مع الأغنية

من خلف زجاج السيارة البيجو نرى كبوت
السيارة الأحمر ونرى الطريق ينطوى أمامها
بسرعة

التي في المشهد القادم

نرى أوراق نتيجة وأرقام أعوام تتابع على
الطريق بداية من عام ١٩٩٠ ثم ١٩٩١ ثم
تتابع السنون حتى تمتزج بالمشهد القادم على
رقم ٢٠٠٩

يمكن تعديل العام الذي يبدأ به تقليب أعوام
النتيجة لكي يتناسب مع عمر النجم الذي
سيسند إليه دور باسل وهو كبير فمثلاً لو كان
بطل الفيلم في الثلاثين نجعل أوراق النتيجة تبدأ
منذ عام ١٩٩٥

مزج مع المشهد القادم

.....
نهار/ خارجي

مشهد رقم ١٨

داخل سيارة تويوتا كورولا

بدون حوار
SHOW ME THE MEANING OF
BEING LONELY
أغنية لفريق باك ستريت بوائز

من خلف زجاج سيارة نرى كبوت السيارة لونه
أبيض ونرى الطريق ينطوي أمامها ببطء
تتحرك الكاميرا خارج السيارة وتستعرض وجه
السائق

نرى باسل سعد المنصوري شاب وسيم في
الخامسة والثلاثين يرتدي قميص وبنطلون
كلاسيك أنيق و يقود سيارة تويوتا كورولا
موديل ٢٠٠٩ بيضاء اللون

قطع

.....
نهار/ خارجي

مشهد رقم ١٩

أمام قصر عابدين وشارع في وسط البلد

بدون حوار
أغنية فريق باك ستريت بوائز تتلاشى في نهاية
المشهد

نرى باسل يقود سيارته أمام قصر عابدين
سيارة مرسيدس تتبع سيارة باسل
باسل يدخل بسيارته لشارع وتتبعه السيارة
المرسيدس

باسل يركن سيارته أمام عمارة عريقة وتركن
خلفه السيارة المرسيدس

باسل ينزل من سيارته ويتجه نحو البواب
الجالس على دكة بجوار الباب

رجل وامرأة في الخمسين والأربعين من العمر

نهار/ خارجي

مشهد رقم ٢٠

مدخل عمارة عريقة

شكري البواب رجل في الستين من العمر
يرتدي جلباب رمادي ويضع على كتفه لاسة
صعدي ثقيلة

شكري
باسل
مرحب يا باسل باشا
إزيك يا شكري

شكري يقوم من على الدكة ويصافح باسل

رمضان
شكري
باسل
شكري
رمضان
شكري
وفاء
رمضان
مدخل العمارة حلو قوي
عالبركة يا باشا ربنا يجعلك نصيب فيها
ياللا يا شكري إطلع إديها خبر إن الدكتور رمضان
وصل
المدام مستنياكو فوق يا أستاذ باسل يالا نطلع على
طول
هي في الدور الكام
الدور الثالث يا دكتور
ياريت تطلع كويسة من جوا
العمارات دي ماتلاقيش زيتها دلوقتي

دكتور رمضان رجل في الخمسين وزوجته
وفاء في الأربعين يقتربان من باسل وشكري

الجميع يدخلون للعمارة وشكري يفتح باب
الأسانسير لهم

نهار/ داخلي

مشهد رقم ٢١

صالة شقة عريقة

صوت جرس باب

نرى مدام شارلوت وهي امرأة عجوزة في
التسعين من العمر رشيقة الحركة ترتدي روب
أرجواني وشعرها الأبيض يجلل رأسها كتاج
على رأس ملكة

شارلوت تمشي نحو باب الشقة لتفتحه

باسل وشكري ودكتور رمضان ووفاء

يصافحون مدام شارلوت ويدخلون للصالة

وفاء تتجول في الصالة بإنبهار

شارلوت

باسل

رمضان

شارلوت

أهلا أهلا دي فرصة عزيزة
أخيرا وافقتي على إقتراحي يا مدام شارلوت
إزيك يا هانم
إتفضلو .. معلش يا أستاذ باسل أصلي كنت مش
مستريحة للموضوع ده قوي ... بس ولاد بنتي
قالولي دي فكرة عبقرية
ماهو لو صاحب العمارة كان وافق على أنه ياخذ
نص المبلغ ويوافق على التنازل عن الشقة كنا
استريحنا من اللف والدوران .. ياله أرزاق هو
يرفض وحضرتك تتجوزي حظك من السما

نرى صالة فسيحة لشقة مشابهة لشقق منطقة
عابدين التي تتميز بارتفاع السقف وطول
الأبواب والشبابيك

الصالة يوجد بمنتصفها منضدة سفرة طويلة
حولها كراسي كثيرة وفوقها نجفة عتيقة وباقي

الصالة الفسيحة لا يوجد به أي أثاث
شارلوت تفتح باب غرفة بنهاية الصالة

شارلوت

ههههههه دي أوضتي وباقي الأوض فاضية

وفاء تفتح باب آخر وتخطو لداخل الغرفة
الخالية الفسيحة ويتبعها الدكتور رمضان ثم
باسل

وفاء
رمضان
باسل
شارلوت

بسم الله ماشاء الله
يا أستاذ باسل ما كفاية تومنميه وخمسين
صاحبة الشأن قدامك أهي منك ليها
الشقة اللي فوق بالزبط صاحب البيت بايعها تمليك
باتنين مليون جنية وشقتي كان واحد سمسار تاني
جانب لي زبون ليها بمليون جنية بس طفش لما لقا
صاحب البيت مش موافق على التنازل والأستاذ
باسل يشهد على كده على فكرة إيجارها تمتاشر
جنية ... بس أنا مش بحب الظلم عشان كده بدفع
ميت جنية كل شهر لكن وصل الشقة لسه بتمتاشر
جنية عموما إنت حر

رمضان
وفاء

رمضان يضع الشنطة السنسونايت على
المنضدة ويفتحها

رمضان

باسل

رمضان يخرج دفتر شيكات ويحرر شيكان

رمضان

رمضان يناول الشيكان لمدام شارلوت

باسل

باسل يمد يد ويأخذ شيك من يد مدام شارلوت

شارلوت

إيه رأيك
ماشي ناخدها
إحنا موافقين خلص الإجراءات يا أستاذ باسل
هكتبك شيك بتسعميت ألف جنية
لأ إكتب شيكين كل واحد بربعمية وخمسين ألف
واحد لمدام شارلوت والثاني باسم أحمد عبد الستار
صاحب العمارة
إتفضل يا هانم
هاتي شيك صاحب البيت يا مدام شارلوت زي ما
إتفقنا
إتفضل يا أستاذ باسل

شكري
باسل

المأذون مستني تحت أنزل أناديلو يا باسل باشا
أيوه روح هاته يا شكري وخليه يجيب معاه إثنين
شهود والألفين جنية عمولتك محفوظين لك زي ما
وعدتك ... كده إبتدينا القلق مع الناس العوء

شكري يخرج من الشقة ويغلق الباب خلفه

شارلوت

شارلوت تشاور لهم نحو منضدة السفارة وتدخل
لغرفتها وتغلق باب الغرفة
باسل ورمضان ووفاء يتجهون نحو منضدة
السفرة ويجلسون على الكراسي

رمضان

إتفضلو إقعدوا على السفارة .. معلى هدخل أغير
الروب ده مش معقول أقعد قدام المأذون بهدوم
البيت
خدي راحتك يا هانم

باسل
وفاء

حظكو من السما شقة ولا في الأحلام
أنا مش متطمنة قلبي مش مطاوعني أشوف جوزي
بيتجوز عليا وأنا موافقة وراضية
يا وفاء حرام عليك دي عمرها فوق التسعين سنة
يا مدام وفاء ده جواز صوري مش معقول تغيري
من واحدة في سنها .. دي تعتبر أم المصريين
معقول أنا أبص لواحدة غيرك يا حبيبتي

رمضان
باسل

رمضان

المهم يا دكتور لو معاك ألفين جنية كاش طلعهم

باسل

عشان نديهم لشكري البواب أبوة معايا خد ألفين جنية وإنت عمولتك إثنين ونص في المية بيقا إثنين وعشرين ألف وخمسمية آدي شيك أكتبه بإسم مين باسل سعد المنصوري ..	رمضان	رمضان يفتح شنطة سونسنايت ويخرج باكو فنة عشرون جنية يعطيه لباسل الذي يضع الباكو بجيبه
(بهمس) إيه ده يا نهارك إسود ههه باين هرموناتها صحيت على سيرة الجواز رمضان .. رمضان أنا الفار بيلعب في عبي إجمدي أومال يا مدام وفاء ده حنة فستان على مانيكان خشب..... خلي عندك شوية ثقة بنفسك وما تضيعيش الشقة من إيديكي..... وربنا ما هتلاقى شقة زيتها بالسعر ده فستان تحفة يا مدام شارلوت بيفكرني بالأفلام الأبيض وأسود	باسل وفاء باسل	رمضان يخرج دفتر شيكات ويكتب شيك يناوله لباسل باسل يضع الشيك بجيبه
آخر مرة لبست فيها الفستان دهكان في يوم فرح بنتي من خمسة وخمسين سنة هيه أيام بتجري طولت العمر ليكو إنتو بقا يا شباب إلحقي بتقول علينا شباب جميل قوي يا مدام كنت شاريه من عند جابريل في روما هو حضرتك أرمنية ولا إيطالية	شارلوت رمضان وفاء شارلوت باسل	تخرج شارلوت من غرفتها بآخر الصالة مرتدية فستان سهرة نيبتي غامق موديل الأربعينات أكمامه طويلة ويبيدها جوانتي نفس لون الفستان ومنظرها العام يوحي بالأناقة والرقي (مريم فخر الدين أفضل ممثلة مناسبة لشخصية مدام شارلوت)
مامتي إيطالية وأبويأ أرمني كان في جيش الخديوي عباس حلمي باشا الله يرحمه ده على فكرة مسك خديوي لما كان عنده سبعتاشر سنة شفت عارفا تاريخ بلدي كويس إزاي .. أنا مصرية إتولدت في مصر واتعلمت في مصر واتجوزت مصري وعندي كمان جنسية مصرية و بنتي الوحيدة مصرية واتجوزت مهندس مصري وعایشه في إسكندرية بإختصار أنا أصولي أوربية بس أنا مصرية	شارلوت	شارلوت تقترب من الجالسين حول المنضدة

صوت جرس الباب

المأذون يا أستاذ باسل السلام عليكم وعليكم السلام . إتفضلو يا أستاذة ... من الآخر هتكتب عقد جواز بمؤخر صداق خمسة جنية أتعابي سبعميت جنية وخمسين جنية لكل شاهد بقولك مؤخر صداق خمسة جنية تقولي أتعاب سبعميت جنية هما ميتين جنية وكل شاهد خمسة وعشرين جنية قلت إيه ماينفعشي كده يا أستاذ كلها فركة كعب وأروح أجيب مأذون من دار السلام	شكري المأذون باسل المأذون باسل المأذون باسل	تذهب شارلوت لتفتح باب الشقة شكري وثلاث رجال يدخلون الشقة باسل يقوم من على الكرسي ويذهب نحو منتصف الصالة ويقف مع المأذون
---	---	--

يكتب العقد بسبع ولا تمن برايز هيه قلت إيه إخلص
مش طالبا حوارات
خش يا بني إنت وهو خلىنا نخلص من الجواز
الناشفة دي
يا دكتور رمضان إبقا إديهم ميتين وخمسين جنية
حاضر

المأذون
باسل
رمضان

المأذون يذهب نحو المنضدة ويجلس على
كرسي
المأذون يفتح شنطة ويخرج دفتر
الشاهدان يقفان خلف المأذون

المأذون
رمضان
المأذون
شارلوت

المأذون ينظر لشارلوت ويرتبك ويفتح الدفتر
ويعاود النظر لشارلوت
باسل يزغد المأذون في كتفه
المأذون يفيق من توهانه
رمضان يخرج البطاقة ويعطيها للمأذون
شارلوت تذهب إلى غرفتها
الشاهدان يعطيان البطايق للمأذون

المأذون
باسل
المأذون
رمضان
شارلوت
شاهد
شاهد

شارلوت تعود من غرفتها وتعطي البطاقة
للمأذون

شارلوت
أدي بطاقتي

بدون حوار موسيقى تصويرية

المأذون يكتب في الدفتر ثم رمضان يوقع في
الدفتر ثم توقع شارلوت ثم الشاهدان يوقعان في
الدفتر ونظرات توتر في عيون وفاء

المأذون
رمضان
المأذون
شكري

المأذون ينهض من على الكرسي
رمضان يعطي نقود للمأذون الذي يضع النقود
في جيبه
المأذون والشهود يتجهون نحو باب الشقة
ويخرجان

ألف مبرووك
إتفضل يا مولانا
نستأذن بقا السلام عليكم ورحمة الله وبركاته
وعليكم السلام

باسل

باسل يعطي رزمة النقود لشكري
باسل ينظر لرمضان ووفاء

متشكرين قوي يا أستاذ باسل
على إيه يا مدام دا شغلي .. عموما يا دكتور لو
حصلتلك أي مناوشات مع صاحب العمارة أطلبني

وفاء
باسل

وأنا هجيبك محامي عقر يلعبهولك على الشناكل

شارلوت أنا رايحه أصرف فلوس الشيك من البنك بكرة
الصبح بدري يا ريت تيجي بعد الساعة اتنين أكون
جهازتك فلوس العمولة يا أستاذ باسل
ماشى يا مدام شارلوت ... أستاذن بقا ... ربنا يتم
بخير على الشقة طبعاً ... يالا بينا يا شكري

باسل يقوم ويتجه نحو باب الشقة

شكري أي خدمات ثانية
شارلوت متشكرين يا شكري هديك الحلاوة بكرة
شكري خيرك سابق يا هانم سلامو عليكم

شكري يذهب نحو الباب ويخرج مع باسل

قطع

نهار / خارجي

مشهد رقم ٢٢

شارع بعابدين

باسل لا صعبة قوي دي يا شكري لما صاحب الشقة يكون
راجل بيقا مالهاش حل
شكري ليه يا باسل باشا ما هو ممكن تجوزه بنت اللي
عايزين الشقة

نرى باسل وشكري يخرجان من باب العمارة
ويسيران نحو سيارة باسل

باسل حلاوتك يا كشري .. فيه حل ثاني .. ممكن نطلق
الست مرات اللي عاوز الشقة ونجوزها لصاحب
الشقة هههه شفت التخريف سهل إزاي .. إنت بس
لو تبطل تلعب في زراير الأسانسير هتبقا كويس

شكري خسارة دي شقة تحفة
باسل عموما أنا هحاول أتصرف ... هروح لصاحب
العمارة الليلة وأعملو قلق في الحلق .. يمكن أعرف
أقنعو بس مفيش حاجة سالكة قدامك

باسل يفتح باب السيارة ويركب

شكري لا بس لو ظهرت قدامي حاجة هتصل ببيك طوالي

باسل يتحرك بسيارته ويبتعد عن شكري

باسل ماشى يا شكري ولو عرفت أقنعه حقك محفوظ
كالعادة .. إلحق في ناس بتتسحب و هتدخل العمارة
من وراك
شكري مع ألف سلامة يا باشا

قطع

قبل الغروب/ خارجي

مشهد رقم ٢٣

ميدان رمسيس وشارع رمسيس تحت كوبري غمرة

بدون حوار

سيارة باسل تسير بميدان رمسيس

ضوضاء الميدان والشارع

سيارة باسل تسير بشارع رمسيس نحو غمرة

سيارة باسل تسير تحت كوبري غمرة

سيارة باسل تدخل شارع فرعي على اليمين

قطع

ليل/ خارجي/ داخلي

مشهد رقم ٢٤

شارع كافيتريا البواسل وصالة كافيتريا البواسل

بدون حوار

أغنية لفريق باك ستريت بويز تتوقف لحظة نزول باسل من السيارة

سيارة باسل تسير بشارع هادي
سيارة باسل تتوقف أما باب كافتريا
يافطة فوق باب الكافتريا مكتوب عليها

كافيتريا البواسل

باسل ينزل من سيارته ويغلق بابها ويدخل الكافتريا

إتفضل يا مستر باسل
الطباخ الجديد أخبره إيه
نشيط قوي وبتاع شغل مش زي الطباخ اللي
حضرتك مشيته ... هانت كلها شهرين وأيمن الطباخ
يخلص جيش ويرجع يمسك المطبخ تاني بالحق فيه
محضر سابلك الإعلان ده
آه ده بتاع التظلم اللي كنت مقدمو للمحامي العام
هاروح بكرة أشوفهم عايزين إيه .. حد سأل عليا
تاني
آه في واحد إسمو فاروق كان عايز يعرف حتت
الأرض بتاعت العباسية إتباعت ولا لسه
لو إتكلم تاني إديله نمرة موبايلى وقولو الأرض لسه
ماتبعتش بس في ناس بيتكلموا عليها ... أنا داخل
أراجع الحسابات في المكتب يا علي خلي الطباخ
يعملي شوربة فواكه بحر

علي
باسل
علي
نرى باسل يقف مع علي جارسون الكافتريا
شاب في الثلاثين يرتدي يونيفورم
علي يعطي باسل دفتر كبير

نرى كافيتريا نظيفة على طراز المطاعم
الأمريكية السريعة
بعض الزبائن تتناول الطعام على منضدة بقرب
المدخل وبعض الزبائن تتناول مشروبات في
ركن بعيد وفتاتان تجلسان على منضدة بقرب
مكتب الإدارة

باسل ينظر في الدفتر ويمشي نحو غرفة مغلقة
بأقصى صالة الطعام ويخرج مفتاح من جيبه
يفتح باب الغرفة التي عليها يافطة مكتوب
عليها

الإدارة

قطع

ليل/ داخلي

مشهد رقم ٢٥

مكتب بكافيتريا البواسل

موسيقى تصويرية مناسبة

باسل يجلس خلف مكتب عليه كمبيوتر ويضع
هدفون على رأسه ويتابع شاشة الكمبيوتر

شاشة الكمبيوتر تعرض صور أربع كاميرات
مراقبة كل كاميرا تعرض على ربع الشاشة

العرض يتوقف ثم يتحرك لنرى باسل يخرج من
باب الكافتيريا في إحدى الصور وتتابع الصور

باسل ينظر للدفتري ويكتب علامة صح على
الحسابات بالدفتري

باسل طول عمرك أمين يا علي

قطع

ليل/ خارجي

مسجد المرسى أبو العباس

مشهد رقم ٢٦

ساحة

صوت أمواج البحر من بعيد

نرى عمر أخو باسل شاب ملتحي وحليق
الشارب ملامح وجهه منفرة ومستفزة في
الثلاثين من العمر يرتدي جلباب أبيض و يجلس
خلف فاترينة زجاج عليها قوارير ألومنيوم
تستخدم في حفظ العطور
نرى عمر يقرأ في كتاب
نرى أدوات تجميع العطور على الفاترينة
نرى زجاجات فارغة على الفاترينة
شاب يتوقف أمام الفاترينة
عمر يغلق الكتاب

زبون السلام عليكم عندك لا بيدوس
عمر و عليكم السلام ورحمة الله وبركاته أيوه
زبون القزاة الميت ملي بكام يا شيخ
عمر بخمسة وعشرين جني (جنية) بس
زبون ماشي هات واحدة ميت ملي

عمر يفتح قارورة ألومنيوم ويمسك بحقنة
ويسحب منها

قطع

ليل/ داخلي

مكتب محامي

مشهد رقم ٢٧

نرى رجل يجلس خلف مكتب كبير وخلفه
صورة له وهو يرتدي وشاح ويصافح الرئيس
السادات وعلى المكتب لافتة مكتوب عليها

إبراهيم بعد ماتنزل من القطر في القاهرة إطلع برة المحطة
وخذ تاكسي قول له عايز أروح أكاديمية الشرطة
اللي في العباسية قدامها بالضبط هتلاقي مجمع
المحاكم

المستشار إبراهيم خالد المحامي بالنقض
والدستورية

مهند طيب مافيش حد منهم هيجي

نرى مهند أخو باسل شاب في الخامسة
والعشرين أنيق يرتدي بنطلون جينز وتي
شيرت يجلس أمام مكتب

إبراهيم احتمال اللواء طاهر يقابلك في المحكمة .. إطلع خد
الدوسية من السكرتيرة بره ويالا عشان تروح تنام

بدري ومتنساش تبقا تطمني بالتليفون من هناك ..
 بالحق هما سايبين لك ميت جني (جنية) مواصلاتك
 السكرتيرة هتديهملك مع الدوسية
 متشكر يا أستاذ إبراهيم ... سلامو عليكم
 مع السلامة يا مهند

مهند
 إبراهيم

مهند يقوم من على الكرسي ويستدير ليتجه
 نحو باب الغرفة

قطع

ليل/ خارجي

مشهد رقم ٢٨

بوابة ميناء الإسكندرية

نرى بوابة حديدية ضخمة فوقها لافتة مكتوب
 عليها

صوت أمواج البحر من بعيد

ميناء الإسكندرية البحري

عشر شباب يقفون بعيداً عن البوابة داخل
 الميناء و يرتدون يونيفورم حراس أمن بأحد
 الشركات الخاصة
 نرى المشرف وهو رجل في الخمسين يلبس
 نفس اليونيفورم ويمسك بكشف وينادي على
 أسماء الواقفين

المشرف
 شاب ١
 أفندم
 المشرف
 شاب ٢
 أفندم
 المشرف
 شاب ٣
 أفندم
 المشرف
 شاب ٤
 أفندم
 المشرف
 خدمة بوابة عمومية ... ناجح على الصعيدي
 أفندم
 خدمة رصيف البابورات ... ماهر تادرس
 أفندم
 خدمة على الجراج ... هشام سعد المنصوري
 هشام سعد المنصوري

نرى هشام سعد المنصوري أخو باسل يرتدي
 يونيفورم و يقف وسط الشباب
 هشام يكلم أحد زملاؤه

شباب يهز كتف هشام من الخلف
 هشام ينظر لمشرف الأمن

المشرف بينادي عليك يا هشام
 أفندم
 المشرف
 شاب ٤
 هشام
 المشرف
 شاب ٥
 أفندم
 المشرف
 شاب ٦
 أفندم
 المشرف
 شاب ٧
 أفندم
 المشرف
 خدمة على المخازن .. جمال خيشة
 أفندم
 خدمة على بوابة السكة الحديد .. حد ما سمعش
 إسمه ... يالا يا خويا إنت وهو كل واحد على يروح
 على خدمته

المشرف يقف مكانه

هشام وماهر وشباب ثالث يمشون سوياً نحو
 باب الميناء
 باقي الشباب يسيرون نحو باب الميناء في
 مجموعتين

شباب ٧
 هشام
 ماهر
 هشام
 ماهر
 هشام
 امتى ربنا يتوب علينا من الشغلانة دي
 مش أحسن من الصياغة في الشوارع
 على رأيك إنت خدمة على الإدارة يا هشام
 أيوه وإنت خدمة إيه
 الجراج
 أوبا ... لو لسه بتخاف من الضلعة بدل الخدمة معايا
 ياوله يا ماهر

ليل/ داخلي

مشهد رقم ٢٩

صالة منزل لواظ

بدون حوار

نفس مكان المشهد رقم ١٣

موسيقى تصويرية مناسبة

نرى صالة أثاثها مماثل لآثاث الطبقة المتوسطة
في أواخر الثمانينات
نرى منضدة سفرة مستطيلة حولها خمسة
كراسي

.....

ملحوظة : لون أثاث المنزل أصبح باهتا بسبب
مرور عشرون عام

(نلجأ لحيلة سهلة للتغلب على مشكلة الفترة
الزمنية وذلك بأن نستخدم أثاث قديم في تصوير
المشاهد الحديثة بشقة لواظ ثم يتم دهان
وتجديد الأثاث والحوائط وتصوير المشاهد
القديمة التي تحدث منذ عشرون عاما)

.....

نرى مهند يتناول الطعام مع لواظ
لواظ تناول طبق سلطة لمهند
لواظ تقوم وتخرج من الصالة

لواظ تعود ويدها صينية صغيرة عليها كوبان
من الشاي
لواظ تضع الصينية وتجلس
لواظ تضع كوب شاي أمام مهند
لواظ تنظر لمهند بضجر

قطع

ليل/ خارجي

مشهد رقم ٣٠

شارع عباس العقاد

أغنية لفريق باك ستريت بوائز

نرى سيارة باسل تسير بشارع عباس العقاد

سيارة باسل تتوقف أمام برج عملاق

باسل يقف أمام البرج
نرى لافتة مكتوب عليها

باسل يدخل البرج

قطع

ليل/ داخلي

مشهد رقم ٣١

شركة العثماني للاستثمار العقاري

نرى سكرتيرة أنيقة تجلس خلف كاؤنتر أسود وتنظر لكارت بيدها بينما باسل واقف أمامها السكرتيرة تفتح باب عريض وتدخل لغرفة رئيس مجلس الإدارة باسل يجلس على كرسي جلد فاخر

السكرتيرة تخرج من المكتب وتشاور لباسل باسل يقوم ويدخل غرفة رئيس مجلس الإدارة السكرتيرة تغلق الباب

قطع

ليل/ داخلي

مشهد رقم ٣٢

غرفة رئيس مجلس الإدارة

رجل ملتحي في الخمسين يرتدي جلباب ناصع البياض خلفه آية قرآنية و يجلس على مكتب فخم عليه لافتة مكتوب عليها

عثمان اليعقوبي رئيس مجلس الإدارة

باسل يجلس على كرسي

باسل المنصوري .. وسيط عقارات
عثمان
باسل
عثمان
باسل
عثمان

كنت جاي لحضرتك بخصوص شقة في عمارتك اللي في شارع قصر النيل للأسف مفيش فيها ولا شقة فاضية

أنا عارف إن المهندس حسن عبد الله صاحب شقة عندك في العمارة كلمك من فترة على تنازل لشقته وحضرتك رفضت

آه إفتكرت مش ده اللي كان وكيل وزارة المعارف أيام طه حسين ده دفعته كلها ماتت من عشرين سنة .. ههههه بكرة يموت والشقة ترجع لي

أنا عرفت إنك بتتعامل مع شركة رسمي للاستثمارات العقارية والسياحية اللي أنشأت أكثر من نص القرى السياحية في جنوب سينا

عثمان
طبعاً أعرفهم أنا كنت واخذ منهم السنة اللي فاتت
ثلاث مقاولات من الباطن وأعرف أحمد بيه عبد
الستار رئيسها معرفة شخصية
طبيب ياريت تطلبه في مكتبه أصلي عايزه في
موضوع مهم جداً بخصوص شقة قصر النيل

عثمان
ديكتافون
يا هيفاء إطلبيلي أحمد بيه عبد الستار
حاضر يا حاج

عثمان
باسل
ديكتافون
عثمان
معلش الكلام خدنا تحب تشرب إيه
ألف شكر يا حاج عثمان
إرفع السماعة يا حاج معاك أحمد بيه عبد الستار
السلام عليكم إزي معاليك يا باشا .. بأنفاسك ... لأ
ده واحد وسيط قاعد عندي طالب يكلمك بخصوص
شقة قصر النيل ... آه
إتفضل أحمد بيه معاك

عثمان ينظر لباسل
عثمان يناول التليفون لباسل

باسل
باسل يمسك سماعة التليفون
ألو .. لأ أنا بتكلم بخصوص شقة مدام شارلوت اللي
كانت عندك الإسبوع اللي فات وطلبت منك تنازل
وحضرتك رفضت وقتلتها خدي خمسين ألف جنية
وروحي بلدكم هي سايبالك معايا شيك بخمسين ألف
جنية ... لأ ده من المستأجر مش منها ... أصل
عقبال أنجالك مدام شارلوت إتجوزت مستأجر الشقة
..... هههههههه ... لأ مش طمعان في شقتها
ولا حاجة ده زبون أنا جبتها لها لما عرفت الحكاية
بتاعتها معاك بص يا أحمد بيه أنا أكثر واحد
في الدنيا دي بيحب الحق وقلت لمدام شارلوت
هبيعها لك بس بتسعميت ألف بس وهتاخدي نص
المبلغ والنص الثاني نديه لصاحب العمارة وهي
طلعت ست محترمة ووافقت علطول من غير تردد
... لأ طبعاً و حضرتك عارف كويس إنك مش
هتعرف تعمل معاهم حاجة عموماً الزبون سبناله
ميت ألف جنية يعني إنتو الخسرانين وهو عمره ما
هيصرف خمس ولا ست تلاف جنية على القضايا
اللي ممكن تعملها له ... لأ طبعاً ده حقه راجل غامر
وإشترى شقة عليها مشاكل لازم نكافئه على إنه
مغامر إنت رجل أعمال وفاهم كده كويس آه
المهم معايا شيك بربرمية وخمسين ألف جنية بإسم
حضرتك ... الصراحة كنت ناوي أنشف دمك شوية
والأوعك شوية بس للأسف ما عنديش وقت فراغ
للعب العيال ده ... المهم بكرة حضرتك تجهز
الخمستاشر ألف جنية عمولتي بس كاش يا باشا ...
.... لأ ما أنت ضيعت الفرصة خلاص لو كنت وافقت
على التنازل كنت هتكتب إيجار جديد بس للأسف
العقد القديم هو اللي ماشي هارد لك ياريت تكون

عثمان يقلب في دوسيهات أمامه
عثمان يفرد رسم هندسي على المكتب
عثمان ينتبه للحوار
عثمان ينظر بتوتر خفيف لباسل

العرق يتفصد على وجه عثمان
نظرات خوف وذهول على وجه عثمان

عرق غزير يسقط على عيون عثمان من فوق
جبينه

عثمان يخرج منديل ورق ويجفف عرقه

باسل يضع سماعة التليفون
عثمان يبتسم بتوتر لباسل

عثمان يضغط على الديكتافون

ساعي يدخل ويبيده صينية عليها كوبان زجاج
بهما مياة مثلجة ونرى الأكواب مشبرة

عثمان يمسك كوب الماء ويجرعه مرة واحدة
ماء يسيل على لحية عثمان من الكوب
عثمان يمسح العرق بمنديل ورقي

باسل يقوم من على الكرسي
عثمان يقف ويمد يده ليصافح باسل
باسل يبتسم ثم يمد يده ويصافح عثمان ويبتعد

باسل يلتفت نحو عثمان ويبتسم وعثمان ينظر
لشاشة الموبايل ويقرأ إسم المتصل أحمد عبد
الستار

استفدت حاجة من الحصة دي أكيد طبعا
هنتقابل في السوق بس زي ما حضرتك عارف
ماحدش يقدر على الباراكودا مع السلامة يا باشا
و معلش لو كنت عملتلك قلق

عثمان تشرب إيه يا باسل باشا

باسل تعرف المثل بتاع السمك الكبير بيبلغ السمك الصغير
عثمان أيوة حضرتك تشرب إيه
باسل أشرب مائة ساقعة هات كوبايتين مية ساقعة
عثمان تطفي العرق اللي مغرق هدومك

عثمان
ديكتافون

باسل

عثمان

باسل

عثمان

باسل

عثمان

باسل

عثمان

باسل

عثمان

باسل

صوت نغمة موبايل عثمان على أغنية هيفاء وهبي

مشهد رقم ٣٣

ليل/ داخلي

مكتب أحمد عبد الستار

مكتب فسيح به مفروشات كلاسيكية تبين مدى
بذخ صاحب المكان
أحمد عبد الستار رجل أربعيني يرتدي بذلة
أرمني أنيقة وربطة عنق حمراء
أحمد يتكلم في المحمول

عصام شاب في الخامسة والثلاثين يرتدي بذلة
وتبدو على وجهه ملامح الحزم والدهاء

أحمد يبعد الموبايل عن أذنه ويتكلم بسخرية ثم
ينظر نحو عصام ويكلمه

أحمد

عصام

أبوة يا عثمان . الواد اللي كلمني من شوية لسه
عندك .. تعرف تعطله على ما أبعتك رجالتني
يمسكوه . طيب بقولك إيه إبعث أي حد بسرعة من
عندك وخليه يراقبه وهديك نمرة موبايل خلي الراجل
بتاعك يتصل بيها ويعرف رجالتني مكان الواد ده
وهما هيعملو اللازم . لا طبعاً مش حكاية فلوس .
إنت تعرف إن حد يقدر يلوي دراغي برضه . أنا كنت
ناوي أستناه لما يجيب الشيك وبعدين قررت إني
أخلص منه ومش مهم الفلوس عشان يبقا عبدة
والنهاردة ده آخر يوم في عمره .. ياله نفذ اللي
قلتلك عليه سلام قال
باركودا قال .. خد التابعي ابن عمك ورجالتك وإطلع
بسرعة على مدينة نصر . ولما يتصل بيك الراجل
بتاع عثمان هتعرف مكان اللي اسمه كان باسل .
فاهمني كان . كان . يعني ماضي مالوش مستقبل
فاهمني يا عصام
أوامر معاليك

